

آبونه شرائطی

داخلی، خارجی، مریرایچون
سنه لکی (۲۵۰)، آلتی آیلانی

(۱۳۰) فروشدر .

نسخه سی ۵ فروش،
سنه لکی ۵۲ نسخه در

اداره خانه

باب عالی جاده سنده دائره مخصوصه

اخطارات

آبونه بدلی پشیددر

مسلكه موافق آثار مع المنونیه

قبوله اولنور . درج ایدله یین

یازیلر اعاده اولونماز

والله یهدی من یشاء الی صراط مستقیم

محمد عاكف

اشرف ارباب

اتبعون اهدکم سبیل الرشاد

عدد : ۴۵۰

۱۱ ربیع الاول ۱۳۳۸

پنجشنبه

۴ کانون اول ۱۲۳۵

جلد ۱۸

کتابخانه

۱۳۳۰

دینی، فلسفی، علمی، ادبی، سیاسی هفته لقی مجموعه اسلامیه در

صاحب و مدیر مسئول

باش هرر

اخطارات

ادرس تبدیلنده آیریجه بش

غروه کوندرملیدر

مکتوبلرک امضالری واضح

واوقوناقلی اولسی و آبونه صره

نومروسی محتوی بولنسی

لازمدر

ممالک اجنیه ایچوق آبونه اولانلرک

آدرسلرینلک فرانسیزجه ده یازلسی

رجا اولنور

باره کوندرلدیکی زمان نهیه دائر

اولدینی واضحاً بیلدیرلسی

رجا اولنور

بونمه لرك انسانده مردلوسی وارد در. رحمانیسی، حقانیسی، شیطانیسی، نفسانیسی هپسی اوند. موجود در. یا لکز خارجدن اوتاری اهتزازه کتیره جک برال لازم در. سن ظن ایتکه قلبکده الهی بیلک استعدادی یوقدر. فقط بر طاقم ظلمانی حالات اونور مینک اشراقه مانع اولور. سن روحکده کی نعمات لاهوتیه بی دویسه ک بردها قولاغکی اورادن آله ماز. سک. انجق بز سفلیات ایله اشتغال ایتدیکمز، دغدغه ماسوا ایچنده یووارلاندیغمز ایچون اونعمانی ایشیده میورز.

روح بونمه لرك استماعیله عالم بالایه یوکسه لیر. عیجا بو اوتار ناصیل اهتزازه کلیر؟ بونی اهتزازه کتیره جک بر مضراب لازم. ایش اونی بوله ده.

توضیح فکر ایچون باشقه بر مثال سوله یلم. بز ادبیاتدن، شعرندن بونی بکله میورمی بز؟ شعر نهدر؟ روحک لسان انفعالی. شاعر نهدر؟ شاعر عالم ایچنده بر عالم ابداع ایده جک، سنی بولوندیغک عالمک فوقه چیقار جق. مبدع، حساس بر قلب. سن اونک مبدعاتیله یوکسلورسک. اونک روحکده حصوله کتیردیکی هیجان بدیی ایله متهیج اولورسک. اگر حساس بر روحه، رقیق بر ذوقه مالک ایتسه ک نفسکی بو احتیاجدن وارسته کوره مزسک. شاعرک جمله مبدعاتدن اولان عوالمده سیر ایدرسک. بو بیلدیکمز ادبیاتدر. بونک کی برده ادبیات الهیه وار. اونکده شاعرلری، مبلغلری وار. سن اونلره هیچ یاناشمه. طیبی روحک او عالمک حالاتندن خبردار اوله ماز.

ملکتیزده ارباب قلم نامنه عجیب بر طاقم آدملر کورولور. اثر دییه اورتیه قویدقلری شیلر روحلرده هیچ بر هیجان حصوله کتیرمیور. شعر دیدیکک اعماق روحده کی اک رقیق اوتاری اهتزازه کتیره جک، روحده کی استعداد تحسسی تمیه ایده جک. ذوق ادب بودر. ابداع آثار. اوقونان شیلر ایسه هیچ بر شینه یارامیور. حقیقه بونلر هیچ بر شینه خدمت ایتمیور. فکرلر انحطاطده، روحلر ظلمتده. نور دائمًا تسترده. بویله نه اولور؟ ای شیلر اوقوملی.

بر بیت بی متأثر ایدر. مثلاً فضولینک بر بیتنی اوقویججه غثنی اولورم. بو، بونی یاپارسه بر حکیم ربانینک شعرنده کی وجد بنم روحده بر تجلی کوسترمسون، اولورمی؟ او بر وادی، بوده بر باشقه وادی. اوتکی اذواق وجدانی بی، بوده جذبات رحمانیه بی حصوله کتیریور. ایشه بونلر هپ بر عالمک انعکاس لمعاتیدر. اما سن دیه جکسک که:

— بنم بویله هیجانلرله ایشم یوق.

اوله ایسه انسانلقدن تجرد ایت صخره صها کی یرکده اوتور. اگر روحکده استعداد هیجان وارسه بر آزده بو وادیده یازیلش اثرلری اوقو.

ایشته انیانک، اولیانک سوزلری، نغمه لری ده ایشیتملی. اونلرک ارتقا ایتدیکلری مقاماتک اذواقندن خبردار اولملی. باق جناب مولانا نه دیور:

« انیانای دیشانک درونلرنده اوله نغمه لر وارد در که طالبلره حیات بی بها بخش ایدر. حسن قولاغی بو نغمه لری ایشیتمز. زیرا اوقولاق لغویات ایله مشغول اولدیغندن ناپاک دینه جک حاله کلشدر. اگر بن بو نغمه لرندن بر نبدیم بحث ایده جک اولورسه م جانلر لحدلرندن چیقار. بیلکیزکه اولیا زمانک اسرافیلی کیدر. اولمشلر اونلرک سایه سنده حیات تازه بولورلر. هیکیزک جانلری تن قبرنده اولو کی یاتقمده در. او نغمه لری ایشیدنجه گفته بورونمش اولدینی حالد قبرندن چیقار. بعث بعدالموته مظهر اولور.»

۲۱ تشرین ثانی، ۱۳۳۵



اخلاقیات

مقدمه

بومباحثه اخلاق حقنده عمومی وخصوصی بعضی معلومات ویرم جکیز. اخلاق درجه اهمیتنی ایضاح ایتک خصوصنده فم رسالتیناهیدن صدور ایدن: « اما بعثت لایم مکارم الاخلاق — بن آنجق مکارم اخلاق تماملاق ایچون بعث اولوندیم. » حدیث شریفی کافی در اعتقادندیم. خاتم الانبیا افندمن غایه بعثتم مکارم اخلاق تمام در دیدکدن صکره آرتق بو باید. دها زیاد سوز سوله مک لازم دکلدر. شوقدرکه خاتم رسالت افندیمک شوحیدیت شریفلرینک احتوا ایله دیکی حقایق علویه بی بره رجه یه قدر ایضاح ایدر مقصدیله، بر قاج سوز سوله مک ایتمیورم:

انسان ایچون برغایه کمال وارد در که اونی احرازه چالیشق اوزرینه فرض در. عینی زمانده انسان بر جوق نقصانه معروض در، یوکسوب اوکا غلبه ایتلیدر. حال بوکه انسانک مرتبه کاله واصل اولسی، امکان مساعد اولدینی قدر فضیلت قازانسنده، اخلاق و طبیعتی تهذیب ایتسنده در. نقصانی ایسه زذائل افمالدن بری ازلتکاب ایتسنده در.

فضائل دیدیکمز شی ایسه، روحک بر طاقم سنجیه و خویلری در که، کندیسيله متصف اولان ایکی شخص آراسنده بر آهنگ وفاق حصوله کلسنه وسیله اولور. زذائل کلنجه: اونلرده نفوس بشریه یه عارض اولان بر سور و کیفیات خبیثه در که کندیلریله اتصاف ایدن اشخاص آراسنده تفرقه و منازعه حصوله کتیرمک شاندن در. شوحالده انسانه اک یوکسله بر مرتبه سعادت، اک علوی برغایه کمال تأمین ایدن؛ یا خود اک آشاف بر در که یه سقوطنه وسیله اولان اونک اخلاق و طبیعتی در.

شمدی بر حقیقت اولق اوزره دی به بیلیرز که: مقتضای خلقتلری بر آراده یاشماق مجبوریتنده اولان انسانلرک فضائل اخلاقیه ایله متصف اولملری، بالجه اواصر و فضائل اخلاقیه یه رعایتکار بولونملری الزم در. باشقه صورتله نه بر جمعیت تشکیل ایده بیلیرلر، نه ده بز مدنیت تأسیسنه مقتدر اوله بیلیرلر. چونکه، تعریفندن ده آکلاشیلدیغنه کوره، هیئت اجتماعیه آرهنده مدار وحدت اوله جق، آحاد جمعیت میاننده متین بر عروه اتحاد تشکیل ایده جک یکانه اساس آنجق « فضائل اخلاقیه » در. فضائل اخلاقیه بر قوملک کافه افرادینه شامل اولورسه هر بری حدی بیله لرکه، حقنی طایفه رقی دیگرینک حدودینه، حقوقنه اصلا تجاوز ایتیه جکی ایچون آرهنده تعاون طبیعتیله حصول بولور. هر فردک جمعیتده کی موقعی، اشکالی، وظائف مختلف اولفله برابر هپسی بردن بر وجود مشترکک بقاسنه، تأیید قواسنه خدمت ایدن اعضا منابه سنده در. بر جمعیتده کی

اكتساب اتمه مش اولان بعض حالات ، افعال و حرکات بر انسانك ماهیت اخلاقیه سنی تعیین اید منزل . بو بویه اولدینی کی تأمل و تفکر ایله وجوده کان افعال و حسیاتده رسوخ و ملکه اوله مایه جفندن قوه مفکرده بر شخصك اخلاقندن عد اولونه مش ، خلقك تعریفده مفکره نك دخل و تأثیری اولدینی قبول ایدیلش در . بونك ایچون درکه : اخلاق فاضله ، اخلاق نجیه ، اخلاق متینه ، اخلاق حسنه تعبیرلری قوللانیدن حالده اخلاق منوره ، اخلاق عالیه ، اخلاق حکیمه تعبیرلری قوللانمور . بناء علیه اخلاق ایله ذکا یکدیگرینك لازم غیر مضارقی دکلدر . برینك بولونمیدینی یرده دیگرینك بولونمیدینی چوق دفعه واقع در .

خلاصه السانده رسوخ بولش ، یرلشمش اولان ملکه لر و اخلاق ، دهنیر .

اهموی فطریه و طبیعی :

خلقت بشریه ده فی الاصل مرکوز و مکنوز اولان خصلت لر اخلاق فطریه و طبیعی نامی ویریلور . قدمای اخلاق یونك فکریته کوره بو نوع اخلاق ، تربیه ایله قابل تعدیل و اصلاح دکلدر .

اهموی ملکیه :

طبیعتده الفت ایله حصوله کان ، محیطك تأثیرات ایله صکره دن قازانیلان خویرله ، ملکه لر اخلاق مکتبه نامی ویریلور . مع مافیه بوندن اخلاق مکتبه ایله عاداتك بر اولدینی ظننه دوشمه ملیدر . چونکه اخلاق ، کیفیات نفسانیه دن اولان برده ملکه در . عادات ایسه ، هیئت جسمانییه عائد برده ملکه در . حرکات جسمانیه نك تکررندن حاصل اولور . بناء علیه خلق ایله عادات ، مترادف دکلدر . قواعد اخلاقیه بوتون بی بشره شامل اولوب ملیت ، قومیت ، مذهب ایله غیر متبدل اولدینی حالده عادات بویه دکلدر . بونك ایچون درکه ملل و اقوامك بر برینه اویمیان ، بر قومیجه مستحسن اولوب ده دیگرینه کوره مستهجن کورینن احوال عادات قیلندن در . بونلرک علم اخلاقه دخل و تأثیری یوق در .

اهموی حسنه ، اهموی سیئه :

دیگر اعتبار ایله اخلاقی ینه ایکیه آیره بیلیر : اخلاق حسنه ، اخلاق سیئه . طبایع و تمایلات مقبولیه ، انسانك مادی و معنوی مفعول اولدینی فضائل و خصائل برکزیده یه ، کوزل خویرله اخلاق حسنه ، اخلاق حمیده ، اخلاق فاضله ، اخلاق مدروحه ، محاسن اخلاق نامی ویریلور .

فقط خلق غایت مغلق برشی در و تشکله پك چوق عناصر کیر . اولان تأثیرات بدنیه واردر ؛ تأثیرات ذهنیه ده موجوددر . مع مافیه خلقی ماهیتی اعتبار ایله تشکیل ایدن شی ، فردك تشکلات محسوسه سندی آلدینی قابلیات و تمایلات ، نفس ایدن استعدادات و کندی کندی ایدیندیکی اعتیادادر . و هر کسه حساسیت و اراده سسته عائد اولان شی کندیته خاص اولدیندن ، بالنتیجه هر کسك بر خلقی و اراده و اخلاق آراسنده بر طرفدن میلانلرده و دیگر طر . فندن ده اراده لرده موجود تنوع بولونور

فضائل اخلاقیه « هر معنوی کندی و طیفه مخصوصه سنی ایفا ایدرک باشقه سنی و طیفه سنی تجاوزدن آلیقویان (قوه حیاتیه) » کی در .

شویله ده دی به بیلیر : جمعیت انسانییه نسبتله فضائل اخلاقیه ، کائناته نسبتله جاذبه عمومییه کییدر . کواکب و سیاراتك آراسنده کی نظام ناصل جاذبه عمومییه سایه سنده پایدار اولورسه ، هر کوب ، هر یله بر بو قوتك توازی سببیه کندی مرکزنده ناصل ثابت قالیورسه ، دیگر کوبله آره سنده کی نسبتی ناصل محافظه ایله هرک کائناتك ایجاد و بقای حقیقه کی حکمت الهی تمام اولونجه یه قدر هر بری مدار مخصوصنده منظمأ سیر ایدورسه ؛ بو فضائل واسطه سببیه درکه جناب حق ، هیئت اجتماعییه تشکیل ایدن افراددن هر برینك موجودیت شخصییه سنی بر زمان محدودده ، موجودیت انسانییه ایسه علم الهیینه احاطه ایده بیلر چکی بر آتی به قدر محافظه ایدر .

دیگرک ، انسانیت نام عمومییه تعریف ایله دیکم منظومه آنجیق فضیلت و مکارم اخلاقیه ایله قائم در . ایسته بونك ایچون درکه حکیم الانبیا افندن حضرتلری « غایه بعثتم مکارم اخلاق اتمام در » بیورمشلدر . بو مکارم و فضائل ایله بونك ضدی اولان رذائل ، و بونلرک نفس دن کیفیت صدورین ، بونلرک صدورینه باعث اولان سوانق و قوای بزه بیلدره چك اولان ایسه آنجیق علم اخلاق در . هر ملک شرف و اهمیتی شبه یوق اونك موضوعیه متناسب در .

۱

علم اخلاق نه در ؟

اخلاقك تعریفی - خوی و سبیه - اخلاق فطریه و طبیعی - اخلاق مکتبه - اخلاق حسنه ، اخلاق سیئه - علم اخلاقك تعریفی - موضوعی - غایه سی - اقسامی .

اخلاق ، خلقك جمعی در . خلق ، خوی و طبیعت دیمکدر . سبیه و خوی دنیلن شی انسانده رسوخ بولش ، یرلشمش برده ملکه درکه ، اولملکه سببیه فکر و رؤیته محتاج اولمق سزین ، ذهنی یورمق سزین نفس دن افعال قولایجه صدور ایدر .

شمندی بونی براز ایضاح ایدلم : کیفیات نفسانیه ایکی قسم در : برسی سریع الزوال اولوب غیر راسخ و غیر ثابت در ؛ کلیجی و کلیجی در . اونا فندن یوزی قیزارمق ، قورقودن بکزی صارارمق ، هر عاتکی بر سیدن کولمک کی . ایسته بونلر کی سریع الزوال اولان کیفیات نفسانییه « حال ، حالت نفسانیه » دینیر .

ایکنجی قسم ایسه بطی الزوالدر ، راسخدر ، ثابت در . سخاوت ، شجاعت ، عفت ، حیا بو قیل کیفیات نفسانیه دن در ، که بونلر « ملکه » تعبیر اولور . دیمک که نفیسه یرلشمش ، کولکشمش اولان شیرله « ملکه » دینور . ایسته « خلق » ده بویه بر کیفیت نفسانیه ، برملکه در . هر شخصك کندیته خاص برملکه راسخه نفسانییه سی در . بو ملکه سایه سنده هر شخص قوه اراده و حسیه سنی کندیته مخصوص برطرزده استعمال ایدر . [۱] شو حالده ، نفیسه رسوخ بولوب ملکه حالنی

[۱] خلق معنای عمومی اعتبار ایله بر مخلوق دیگر مخلوقلر آراسنده تریق ایدن شی در . خلق او مخلوقك علامت خاصه سی ، اونك غرابتی تشکیل ایدن شی در . بالنتیجه ، بر آدمك خلق اوله برشی درکه اونك واسطه سبیه ، انسان نه ایسه او اولوب باشقه درلو اولماز ؛ باشقه برشی یرینه فلان شیئی یار وایستر ؛ او سوزله که بر کیمسه نك خلق معلوم اولورسه ، اونك برشی حقه نه صورتله تعیین قرار ایله چکی دوغری بر صورتده اولدن بیلنه بیلیر .

فنا طبیعتاً ، چیرکین خوینله ، قوانین اخلاقیه مغایر حالاته ، خلاصه فنا اولان سجیه و خوینله اخلاق سیئه ، اخلاق ردیه ، اخلاق فضیحه ، اخلاق فاسده ، اخلاق مذمومه ، اخلاق مقدوحه ، مساوی اخلاق نامی ویریلیر ..

علم اهدقك تعریفی :

هرشون بحث ایدن بر علم اولدینی کبی ، انسانک سجیه و خوینله ندن بحث ایدن بر علمده واردره که بوکا علم اخلاق دیرلر . مع مافیة اخلاقیون ، علم اخلاقی مختلف صورته تعریف ایتیلر . دره که اولردن بر قاجنی بروجه آتی ذکر ایده جکر : « علم اخلاق ، انسانی جهت کالاته سائق اولان مبادی و اساساتدن بحث ایدن بر علمدر . »

شو تعریفدن آکلاشیلر که : انسان ایچون بر غایه خلقت ، بر غایه کمال وار ؛ او غایه ایریشمک ، او کالی تحصیل ایتمک علم اخلاق ایله اوله جق ؛ انسانه غایه خلقتنی طایفنی ، خصائص موهوبه سی هدف تکمله دوعرو سوق ایتمکی اوکره تن علم اخلاقدر .

اوت ، انسانک قوای موهوبه و خصائص مودوعه سی ایله ایریشوب بولسی واجب اولان شو کالی ، شو غایه خلقتی انسانه بیلدیرمک ، انسانی بو غایه ایصال ایدمک اولان شی ، علم اخلاق دینیلن علم عالیدر .

انسانک بو کالی تحقیق ایدوب بولسی ، تعریف دیکرله هدف مقصده واصل اوله بیلرسی قواعد اخلاقه تبعیتله ، یعنی اومبادینک قوتدن فعله چیقار بیلسیله اولور . هر انسان کندی ذاتی ایچوق شوا امر جلیلی تحقیق ایدنجه وظیفه سی حقیقه ایفا ایتیش صایله جنی جهته شبه یوق که : طبیعت بشریه نک کمال شوق ایله آرزو ایتمکده اولدینی اوعلوی غایه ایریشیر . دیمک که علم اخلاق وظائف بشریه یی ، اعمال انسانیه یی تعیین ایدور . باعث سعادت اولان مکارم اخلاق ایلا مستلزم شقاوت اولان رذائل اخلاقی حقیقه بیلدیرور . بو اعتبار ایله علم اخلاقی « وظیفه علمیدر . » تحصیل سعادت فیهدر . ، « مسلك حقیقی بشری یی تعیین واره ایدن قواعد و قوانین دن باحث بر علم جلیلدر . » دی یه ده تعریف ایده بیلیرز .

بعضیلری ده شو یولده تعریف ایدیورلر : « اخلاق ، افعال و اعتیادات بشریه نک خیر و شر ، فضیلت و رذیلت ایله اولان مناسبتلری تدقیق ایدن بر علمدر . »

« حیات انسانیه نک انتظام احوالی موجب ، سعادت بشریه یی مستلزم بولنان اعمال و افعال دن باحث بر علمدر . » ، « انسانلرک اس حرکتی اولان خیردن بواساسه کوره عهده مزه ترتب ایدن وظائفدن بحث ایدن بر علمدر . » شکللرنده تعریف ایدنلر اولدینی کبی ، « نفس ناطقه نک علم حفظ الصحه سیدر . » طرزنده ده تعریف ایدیلر . شو تعریفانک هبسی ده ، بر اعتبار کوره دوشونولمش اولدینی جهته ، دوعرودر . امام غزالی مرحومک احیاء العالومنده کی افادات آتیه سی

علم اخلاقك نفس ناطقه نک علم حفظ الصحه سی اولدینی نه کوزل اثبات ایدیور ؛ مشارالیه دیور که : « اخلاق سیئه حیات ابدیه یی افنا ایله بن امراض روحانیه دن در . بو جهته آنجوق جسدتک فوت اولمسی مورث اولان امراض جسمانیه ایله آره لرند بک چوق فرق واردر . شو حالده حیات فانیه یی ازاله ایدن امراضک اندفاعی ایچون تداوی ایدانک ضبط قوانین و قواعدینه کوسترلن اعتنادن زیاده حیات باقیه یی افنا ایله بن بو امراض مداواتک قواعد و قوانینی ضبطه اهتمام ایتمک لازمدر . بونوع طبی تحصیل ایله ملک هر صاحب عقله امور واجبه دن در . »

علم اهدقك موضوعی :

علم اخلاقك موضوعی ، خصائص و قوای نفوس بشریه ایله انسانلردن صدور ایدن افعالی و بوقوتلرله افعال انسانیه نک مناسباتی تدقیق ایتمکدر . شویله ده دی یه بیلیرز : عادات و معاملات افرادک حق و وظیفه ، ایلاک و فالتی ، فضیلت و فضاحت فکرلریله مناسباتی تدقیق ایتمکدر .

علم اهدقك غایه سی :

علم اخلاقك غایه سی انسانک ماده و معنأ نائل تکملات اولسی ایچون اقتضا ایدن قواعد و قوانیندر . قیسه بر تعریف ایله : تحصیل سعادت بشریهدر .

حقیقه دوشونوله جک اولورسه فضائل ایله متحلی اولمق ، نفس الامرده تحصیل سعادتک اصلیدر . چونکه آداب جلیله و اذواق سلیمه نک طریقلری ایله کندی عملی بیننی توفیق و بونلری یکدیگرینه تطبیق ایدن بر کیمسه ایچون الک بیوک سعادت ، حتی شتون عملیه نک هپسنده ایلری کیتمک ملکه سی حاصل اولمش دیمکدر . زیرا شتون حیاتیه یی اساسات اخلاقیه دن باشقه اساسار اوزرینه بنا ایدنلر ایچون وهله اولی ده هر نه قدر بر حظ و سعادت حاصل اولورسه ده حقیقته ، اونلر صو اوزرینه یازی یازمق قیلندن اوله جنی جهته بوکی کیمسه لرک حالی کیت کیده فنا لا شوب عملنده انتظام قالماز . چکمش اولدینی تعب و مشقت خسران ایله نتیجه لیر .

علم اهدقك اقسامی ؛ اهدق نظری ، اهدق عملی :

علوم سائر کبی علم اخلاقده ایکی قسمدر : علم اخلاق نظری ، علم اخلاق عملی . علم اخلاق نظری مبادی اخلاقیه یی ، یعنی علم اخلاقک اساسلرینی استنباط ، مبدأ سلو کده کی قواعدی تحصیل ، « قانون اخلاق » یاخود « قواعد اخلاقیه » نامی ویریان مبادی صحیحیه یی استمراجا چالیشیر . افعال صادره و تمایلات روحیه نک منشأ و مصدرلرینی تحلیل و بونلرک صورت سوق و اداره لرینی تعیین ایدر .

اخلاق عملی یه کلنجه : بوده ، افعال المزی تحدید ایدوب اشخاص و امکانیه نظرأ اونلرک آتی و فنا ، صحیح و فاسد اولانلرینی بیلدیرر . افعال و تمایلات روحیه بشریه دن هانکیلرینک مستحسن ، هانکیلرینک مستهجن اولدینی ، وظائف انسانیه ایله آنلرک صورت ایفاسنی کوسترر .

قوی ایله حقوق ووظائفه کی تعاضدی انتظامک بقای ابدیسی محافظه ایلر . تعاونک افکار عمومی بشره الهام ایدم چکی فضائل انسانلرک یکدیگره قارشی ارتباط وحرمتی تأسیس ومحافظه ایدرک بواصرمعنوی جمعیت بشریه آرمسندم عادتاً ضابطه وظیفه سی دخی ایفا وبو معنوی حکومت خلقی آثارشی احتراسلرندن وقایه ایلر .

رقابت اساسنه مبنی اولان احوال اجتماعی بشرده ایسه انسانلری حد اعتدالده طوتمق ایچون قوه مادییه ، اوقوتک وجود دائمیسنه احتیاج قطعی واردر . قوه مادییه بر آز ضعف عارض اولور اولماز انتظام اداره رخنه دار اولور . جمعیت بشریه ایچنده درحال فوضی باش کوستر .

تعاون — رقابت نظریه لری اوزرنده یورتدیگمز فکر ونظر بر حقیقت محضه در . بونی الیقین برزمانک وقایع مهمه سیله اثبات ایدم چکر . هرکسک تحت اعترافنده درکه اون طقوزنجی عصر میلادیده کی ترقیات فیه ، ادوار ماضیه زماندن بزجه معلوم اولان درت بش بیک سنه ایچنده کورولماشدر . حقیقه یوز سنه ک ترقیات محیرالعقولدر . فقط شوراسنی اونوتمه لم که بو ترقیات احتیاجات بشریه نک همراهه عائد اقسامنی تسهیل وتریین ایدن (فن میخانیک) اساسلرینه عائددر . یوقسه افکار واخلاق بشری اصلاح وحقوق عمومی بشری تنظیم وتهذیب ایدن اساسات علیه علمیه ده دکدر . یعنی آوروپا و آمریقا ده جلوه کر عالم شهود اولان بدایع فیه ده رهبر افکار رقابت اولدینی کی بورقابت سیاست همومیه ده دخی رهبر حرکات اولمشدر . ایشه بورقابتله دریالر کی جوش ایدن مساعی بشریه حیات همومیه بشرده اوپله بر ثقلت اضافیه حاصل ایتمشدر که سیاست همومیه نک تعاون وتکافل عمومی مرکز اتحادیه مربوط اولمامسندن ناشی موازنت همومیه سی غائب ایدرک بوتون مجیزات فیه ومدنیه سیله تباہ اولمشدر .

بوکون بشریت هیئت همومیه سیله اوپله مصائب الیه ایچنده پویاندرکه دهاته سیاسییه تأسیس موازنت ایچون بوتون موجودیتلریله اوغراشدقلری حالده هنوز برانتظام عمومی غیر مشهوددر .

حالبوکه ترقیات فیه ده وبشرک احوال عمومی اجتماعیسنده قائد توفیق (تعاون) اولسه ایدی (فن) تخریباته خدمت ایدن ادوات جهنمییه نک اعمالندن صرف نظرله همراه نک ساحه وسیعه کالنده بشریتی تسعید ایدم چک بیک درلو بدایع آثار میدانم کنیرردی .

(تعاون) بوکون ساحه ارض اوستندم علمدار غالییت اولان آوروپا مدنیتک قوانین سیاسیسنده واحد قیاسی عدالت اولسه ایدی بر نمسه ولی عهدینک وفای بوتون بشریتی قان دریالرینه آتماز وایکی عادل حکمک حکمیه تسویه مسائل ایلر ایدی .

(تعاون) عالمک سیاست همومیه سنده رهبر حرکات اولسه ایدی دنیانک الکوبوک مساعی فابریقه لرینی سکتهدار ایتمکده بولنان (تعطیل اشغال) اشکالاتیه بشریت ضرره اوغراماز وعقیب حریده عالم برده (حرب اقتصادی) مصائبه کرفتار اولمازدی .

تعبیر دیگر ایله علم اخلاق عملی ، نظری قسمک نتایجی اوزرینه عملی سیستمی تأسیس ایلر . اصل مقصدیمز عملی قسمندن بحث ایتک ایسه ده مختصر آ علم اخلاق نظریه یی ده کوزدن کچیرمک ایجاب ایدیور . بونک ایچون ده اولاه اخلاقک اساسلرینی تدقیق ایدم چکر .

آفسه کیل

احمد محمدی



انما المؤمنون اخوة

وحدانیت الهیه یی تصدیق ایدنلرک هپسی یکدیگره قارداشدرلر . ایمان اولنلرک آرمسندم جهت جامع در . اخوتلرینک تمل طاشیدر . توحید باری یی قبول ایدن آدم ، عرب اولسون ، ترک اولسون ، هندلی اولسون ، ایرانلی اولسون ، افغانلی اولسون ، انگلیز اولسون ، حاصلی کره ارضک هانکی قطعنه سنه وهانکی ملته منسوب اولورسه اولسون مادام که قلبنده نور ایمان پارلامش ، وحدت الهیه یی تصدیق ایتمشدر اخوت اسلامییه شریفه مشرفدر .

سوره حجراتک جمله آیات مبجله سندن بر آیت جلیله معلومه نک برجزء مبجلنی بوراده سرنامه اتخاذ ایتمکدن مقصد ، آیت جلیله نک حاوی اولدینی جهت سیاسییه یی بیاندر .

حقیقه دین جلیل محمدینک اساسات قوییه ودساتیر جلیله مستقیمه سندن هانکی بر اصل جلیله ، هانکی بر حکم جلیله نظر اولنسه هر نقطه نظرندن عرفان بشره علویت وقصدیت بخش ایدم چک حکم عالییه یی مشتملدر ؛ هوا پرستان سیاستک احتیاجات بشره نسبتله حادثات یومییه اوزرینه مؤسس بر مفکوره ایله وضع ایتدیکی دستورلر کی دکدر . قرآنک مشتمل اولدینی مبجل ، علوی ، هر عصره و هر عصره قابل تطبیق ، وهر درلو احتیاج ایله قابل توفیق اولان حکم جلیله سی بیک اوچوز بو قدر سنه اول بتون عالم ایچون فضائل ارشادیه یی کافی اولدینی کی بوکونکی مسائل زمانیه نک بوتون تنوعاتیه ، بوتون مشکلاتیه هپسنه قارشی دخی حلال مشکلات اوله حق اساسلری محتوی وهر درلو سیاسی واجتماعی امراض ایچون علاج شافیدر .

چونکه دین جلیل محمدی سراپا بر مجموعه حقایقدر . حقیقت ایسه زمین ایله ، زمان ایله فرسوده اولیوب هر زمان حقیقتدر ، هر زمان تروتازه در .

دین جلیل محمدی مجموعه حقایقدر . چونکه جمعیت بشریه آرمسندم (تعاون) اساسی اوزرینه مبتنیدر . آوروپا مدنیت حاضره سی کی رقابت اساسی اوزرینه بنا ایدلمش دکدر . جمعیات بشریه آرمسندم کی سیاسی واجتماعی مسائل مهمه نک دستور حل (تعاون) اولدینی تقدیرده احتیاجات همومیه تکافل عمومی تحتنه کیره رک مدنیت ماکینه سنک دوران همومیسندم انتظام عمومی مشهود اولور . قوینک ضعیف ایله ، ضعیفک